

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
Stručna služba za zajedničke poslove**

Broj: 17-14-4886-10  
Sarajevo; 09.06.2015. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik Bosne i Hercegovine“ broj 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba za nabavku i ugradnju trakastih zavjesa za potrebe organa Kantona Sarajevo (Zapisnik o pregledu i ocjeni ponuda broj: 17-14-4886-09 od 02.06.2015. godine), načelnik Stručne službe za zajedničke poslove Kantona Sarajevo, donosi

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba, za nabavku i ugradnju trakastih zavjesa za potrebe organa Kantona Sarajevo, i posao se dodjeljuje prvoplasiranom ponuđaču „Mikado“ d.o.o. Sarajevo, prema dostavljenoj ponudi broj: 63/15 od 26.05.2015. godine u ukupnoj vrijednosti od: 19.199,70 KM.

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke a u skladu sa tenderskom dokumentacijom. U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa [www.sszp@sszp.ks.gov.ba](mailto:www.sszp@sszp.ks.gov.ba), sa istovremenim upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 17-14-4886 od 27.04.2015. godine – Nabavka i ugradnja trakastih zavjesa za potrebe organa Kantona Sarajeva. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 25.000 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-7-1-17-3-6/15 dana 15.5.2015. godine u 13,10 sati. Zahtjev za dostavljanje ponuda upućen je slijedećim ponuđačima :

1. "TOP FLOOR" d.o.o. Sarajevo,
2. "NEGRO CROWN" d.o.o. Sarajevo,
3. "LALO TEX" d.o.o. Sarajevo,
4. "MIKADO" d.o.o. Sarajevo,
5. „ŽALUZINE STYLE“ d.o.o. Zenica,
6. „NIWEX“ d.o.o. Derventa,
7. „AB NERETVA“ d.o.o. Mostar.


U skladu sa Odlukom o pokretanju postupka, Komisija za provođenje postupka javne nabavke formirana Odlukom broj: 17-14-30817-2014 od 17.10.2014. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-4886-09 od 02.06.2015. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda šest (6);
- da je blagovremeno zaprimljeno ukupno šest (6) ponuda;
- da nema neblagovremeno zaprimljenih ponuda;
- da sve prispjele ponude ispunjavaju formalno-pravne uslove za učešće u kvalifikacijama i posjeduju tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila poštujući sve procedure propisane Zakonom o javnim nabavkama, i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvata Zapisnik o pregledu i ocjeni ponuda.

Na osnovu izvršene evaluacije ponuda prikazane kroz Tabelarni pregled pristiglih ponuda - rang lista prihvatljivih ponuđača za nabavku i ugradnju trakastih zavjesa za potrebe organa Kantona Sarajevo, a u skladu sa kriterijumom "ekonomski najpovoljnija ponuda", **ugovor se dodjeljuje ponuđaču „MIKADO” d.o.o. iz Sarajeva u ukupnoj vrijednosti nabavke 19.199,70 KM (sa PDV-om).** Za predmetnu nabavku će se zaključiti ugovor .

**POUKA O PRAVNOM LIJEKU:** Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet)** dana od dana prijema ove odluke u skladu sa članom 99. Zakona o javnim nabavkama („Službeni glasnik Bosne i Hercegovine“ broj 39/14).



Prilog:

1. - Zapisnik o pregledu i ocjeni ponuda broj: 17-14-4886-09 od 02.06.2015.godine

Dostaviti:

1. Svim učesnicima u postupku
2. Ministarstvo privrede
3. Komisija za nabavke
4. a/a